

¡BOMBA!

No por ser artificial
será moda pasajera;
ahora es riesgo existencial
hacer tu foto ochentera



k'untzil

Miércoles 9 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2807 · www.lajornadamaya.mx

Chíikpaj kaabal yanik u kaambal ciencia yéetel matemáticas paalal de 15 u ja'abil: PISA 2025

Tu noj lu'umil Méxicoe', xoknáalo'ob yaan 15 u ja'abil u ts'o'oksmaj básico kaambale' láayli' kaabal yanik u puntajesil ba'ax u yojelo'ob yóok'olal ciencia, matemáticas yéetel xook, ts'o'oke', ti' le ts'ook ka'ap'éel ba'alo'obo', ba'ax ts'ook ojéelta'abe', ku ye'esik yáanal yaan ti' le bix yanik ka'ach ichil u ja'abil 2009 yéetel 2018, beey úuchik u chíikpajal ich Programa para la Evaluación Internacional de Alumnos (PISA, yóok'olal bix u k'aaba' ich inglés) 2025 beeta'an tumen Organización para la

Cooperación y el Desarrollo Económico (OCDE).

Xaak'al ku ya'alike', wa ku ke'etel ba'ax chíikpaj yéetel bix yanik ka'ach tu ja'abil 2015e', u proporciónil xoknáalo'ob ti' u lu'umil México kaabal yanik u kaambale', j-éem 13 puntos porcentuales ichil u kaambalil matemáticas; waxakp'éel ti' xook; ba'ale' ichil u kaambalil cienciase', ma' jach péeknaj ba'ali'.


Beey túuno', ku ya'alik le je'elo' ku yúuchul tumen "táakbesa'ab ichil u mola'ayilo'ob kaambal

uláak' táankelem paalal 15 u ja'abil taalja'an ti' kaajo'ob p'aatalo'ob paachil", ts'o'oke' ku táakal xan u puntajeil xoknáalo'ob maas jach mina'an u taak'inil u xooko'ob.

Uláak' ba'al ku chíikbesa'al tumen OCDEe', yóok'olal ba'ax jóok' tu xaak'alil PISA 2025e', leti'e' ba'ax úuch ichil 2022-2025, tumen le beyka'aj náach yanik xoknáalo'ob maas jach ma'alob yanik (10 por ciento maas ka'anal yaan yóok'olal ba'ax u yojel) tu táan le maas jach ma' uts yaniko'obo' (10

por ciento maas kaabal ba'ax u kanmaj), "ma' ya'ab úuchik u péek ichil u kaambal matemáticas yéetel cienciai', ka'alikil ti' xooke' p'iitchaji'.

Ti' le je'elo', ku táakal xan úuchik u chíikpajal, le bix jóok'ik Méxicoe' ku núupul yéetel bix éemik xan kaambal yanchaj ichil tuláakal nojlu'umo'ob oka'an ich OCDE, beyxan ti' u Estadosil yéetel economíalo'ob táan u táakpajalo'obi', tumen chéen ti' xooke', j-ila'ab éem 28 puntos; le je'elo' maas ya'ab ti' le beyka'aj k'a'ayta'ab yanchaj ti' u lu'umil México.



Laura Poy y Alexia Villaseñor / P 23
Oochel Rodrigo Díaz